

سهلکی در سعادت ایچون مجیدیه
یکرمی غروش حسابیه التمش
غروشدر

طهره ایچون پسته اجرتی اوله رق
اون بش غروش ضم اولنور

نسخه سی ۴۰ پاره در

تجارت

اونه اولمق ایستینلر دائره عدلیه
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تجارت

محکمه تمیز اعضائی در سعادت برنجی محکمه
تجارت اعضا سندن سعادتلو استپان افندی به
در سعادت برنجی محکمه تجارت اعضائی بک اوغلی
بدایت محکمه سی مدعی عمومی عزتو طاتیوس
رفقی افندی به

بک اوغلی بدایت محکمه سی مدعی عمومی
بک اوغلی بدایت محکمه سی اعضا سندن عزتو قریل
افندی به

بک اوغلی بدایت محکمه سی اعضائی در سعادت
محکمه تجارت اعضا ملازملرندن رفعتلویاقو افندی به
در سعادت محکمه تجارت اعضا ملازملکی
در سعادت برنجی محکمه تجارت ضبط کتبه سندن
ومکتب حقوق شاهانه مأذونلرندن بدوساکی افندی به
تفویض بیورلمش ومشار ومومی الیهمدن محلف
اولیان بدوساکی افندینک علی الاصول امر تحلیفی
اجرا اولنشددر .

تجارت

۵۹۸ نومرولی نسخه ده مندرج نظامنامه نك

مابعدی :

تضمیناته متدائر دعاویده اعضادن بریله ناحیه
مجلسی کاتبه ترفیقاً مجلسجه بالا انتخاب محله اعزام
اولنه حق لا اقل اوچ نفر اهل خبره نك مقدار خسار
حقنده کی بیاناتی وكشف ومعاینه به محتاج خصوصات
سائر دن طولانی شو وجهله انتخاب واعزام قلعان
ارباب وقوفك معلومات ومشهوداتی بوجهتلر ایچون
اسباب حکمیه دن عد واعتبار ایدیلور .

حقوق دعوالرندن طولانی تعیین اولنان یوم
محاکمه ده وقوع بولان دعوته معذرت مشروعه سندن
ناشی اجابت ایده مدیکنی اخبار ایتمکسزین حضوردن
امتناع ایدن مدعی علیک غیابنده دعوی واقعه

بروجه بالا رؤیت وتدقیق وحکم وقراره ربط وتوثیق
اولنور . شوقدرکه حاضر بالمجلس اولان مدعی
دعواسنی اثباتدن اظهارعجز ایدرک یمین تکلیفنده
بولندینی صورتده خصمنک عند الاعتراض یمیندن
استکاف ایتمسه تعلیقاً مدعاهک تحصیلنه حکم اولنور
وزیرده مرقم الی التبعی ماده ده کوستریلان مدت
ظرفنده اعتراض طریقه مراجعت اولندینی حالده
اشبو یمینک اجراسی وسائر اسباب حکمیه علیهنده
درمیان اولنان اعتراضاتک تدقیقه ایجابنه کوره
تکرار قرار ویریلور ومدت معینه سنک مرورندن
صکره وقوع بولان مراجعت بوسیدین طولانی رد
ایدیلور .

اون برنجی ماده مدعی علیه کرك بدایت وکرك
اعتراضاً جریان ایدن محاکمه اثناسنده اقرار دین ایله
برابر تسویه سندن عجزینی بیان ایدلکی ومجلسجه
تنسیب اولندینی صورتده تقاسیط معینه به ربط ایله
امهال اولنور .

در دنجی فصل

دعوانك شرائط حتی ایله خصومت حقنده در
اون ایکنجی ماده مجله نك کتاب الدعواسنده
تصریح اولندینی وجهله دعوی اولنان شینك معلوم اولمی
لازمدر بناء علیه اسم وشخصلری تعیین اولتمکسزین
مدعینک فلان قریه اهالیسندن برنده ویا برقاچنده
شوقدر غروش آله جنی اولدینی یولنده کی ادعاسی
صحیح اولمديغندن مدعی علیه تعیین و بیان ایتمک
صورتیه دعواسی تصحیح ایتدیریلور .

اون اوچنجی ماده ساعت و یوزک کی منقولاته
متدائر دعاویده بونلر حاضر بالمجلس ایسه مدعینک
اکا ایله اشارت ایدرک « ایشته بومال بنمدر شو آدم
اکا بغیر حق وضعید ایدر » دیو دعواسنی تصویر
ایتمی وحاضر بالمجلس اولیوبده مصرفسز جلبي ممکن
ایسه کرك دعوی وشهادته وکرك یمینده اکا بویله
اشارت اولتمق اوزره مجلسه کتوردلمسی واکر
مصرفسز احضاری قابل دکل ایسه مدعی جانبندن
آنك تعریف و قیمتک بیان ایدلمسی واملاک و اراضی به

متفرع دعاویده حدود وسنورینک ذکر وتصریحیه
برابر الیوم بونلری کیمک ضبط وتصرف ایتمکده
اولدینک بالسؤال وضع یدینی ادعا ایلیان طرفدن
شاهد طلیله بوجهتک اولاً اثبات اولنمی لازمدر .
اون در دنجی ماده مدعی علیه دعوی اقرار
ایدلکی صورتده علیه حکم ترتب ایدر ایسه انکاریله
خصم اوله جغه کوره مدعی « شومالی سنک وکیلک
بندن آلدی » دیواقامه ایدلکی دعوی قارشو ثمن میعی
تسلیمه مجبور اولمیان مدعی علیه اقراری حالنده
خصومت توجه ایتمه چکی کی « فلان آدم ترلاسنی
برسنه مدته الی غروشه کرایه ویرمش بن اولمقدار
ویا دها زیاده اجرتله طالم بکا ویرسون » وکذلک
« فلان آدم فلانی اورتاچی ایتش ویاخود حیوانی
امانه اکا ویرمش بنی اورتاچی ایلسون وحیوانی
امانه بکا براقسون » یولنده کی دعوالر دخی صحیح
وشایان استماع اوله مز .

اون بشنجی ماده مجله نك سالف الذکر
کتاب الدعواسنده بیان اولندینی اوزره تحت ولایت
ووصایتده بولنانلرک له وعلیهنده اقامه اولنان دعاویده
ولی ووصی وترکیه متعلق دین دعوالر زنده دخی
ورثه دن یالکز بریسی خصم اولور انحق ترکه دن عین
دعواسنده ذی الید هرکیم ایسه خصومت اکا توجه
ایدر .

اون التبعی ماده برمالک ذی الیدی اولان
شخص علیهنده اول مال کندیسینک اولدینی ادعا ایدن
کسنه ایله ذی الیدک اثنای محاکمه سنده دیکر بریسی
مدعاهک متصرف حقیقیسی اولدینی ادعا ایله دعوی
واقعه نك حقوقه تعلقندن ناشی محاکمه داخل اولمق
طلبنده بولندینی صورتده قبول اولنور وحکم وقرار
ویرلر کدن صکره ده بوسببه بناء اشخاص سائر نك
درمیان ایده چکی ادعا واعتراض دخی استماع اولنور
عندالایجاب حکم سابق تعدیل واصلاح ایدیلور .

اون یدنجی ماده امانت ویاعاریت ویاخود رهن
صورتلریله یدلرنده بولنان اموال واشیایه متعلق دعوی
وقوعنده ذی الید اولان بوقیل کسانک ومستأجر

صفتیه اقامت ایله یکی برحلی دیگر بر شخصدن استیجار ایتدیکنی اثنای محاکمه در میان ایلیان مدعی علیه شوافاده سی اوزرینه شخص مرقومك حضور مجلسه جایی ودعوانك بونلر مواجهه سنده رؤیتی مقتضیدر.

بشنجی فصل

شاهدله متعلق مسائل بیاننده در

اون سکرنجی ماده اقامه شهود ایله اثبات مدعا ایده جسك اولان كسینهك اول امرده اقامه ایده جسکی شاهدلرك اسم و شهرت و محل اقامت لرخی و بونلردن بشقه شهادتی اولوب اولدیغنی و اولدیغنی تقدیرده کیملر ایدوکنی و بونلری نه وقت اقامه ایده جسکی بیان ایتمی لازمدر .

اون طقوزنجی ماده شاهدلر مجلسك وطرفینك حضورنده بشقه بشقه استماع اولنور و هر بر شاهدك استماعدن اول اسم و شهرت لرخی بالسؤال مدعینك مقدما بیان ایله یکی کساندن اولدیغنی تحقق ایدرسه استماع اولنور .

یکرمنجی ماده یوم معینه شاهدلردن برسی کلویده دیگر لرینك معذرته منی کله منکاری اکلایشلیر ایسه حاضر بولنان شاهد استماع اولنوب دیگر لرخی ایچون بروعه قلیله تعیین قننور .

یکرمی برنجی ماده شاهدك خسته اولسندن و یاخود طائفه نسان اولویده معذرت مشروعه سندن طولانی شهادتنك اقامت کهنده استماعی طلب اولنور ایسه اول شاهدك افاداتی اخذ ایتك اوزره مجلس اعضاسندن مناسب نائب تعیین و مجلس کاتبیه معامله اعزام اولنور طرفین حاضر اولدیغنی حالد افاداتی استماع اولنور .

یکرمی ایکنجی ماده حقوق دعوالرنده مدعینك دعواسنی ایکی ارکک و یاخود برارکک ایله ایکی خاتون اقامه سیله اثبات ایتمی لازمدر برارککک و یاخود یالکز ایکی خانونك شهادت لرخی حکمه کافی دکلدر .

یکرمی اوچنجی ماده مجلهك کتاب الیناتنده توضیح اولندیغنی اوزره استماع اولنان شاهدلرك شهادتی دعوایه ومدعی علیه جانبندن اقامه اولنان شهودك شهادت لرخی دخی دفع دعوایه یا تمامیه و یاخود مدعا بندن اقل اولق صورتیه موافق اولمیدر مثلاً مدعی یوز غروش دعوی ایدویده شاهدلر الی غروشه شهادت ایتسه بر بمقدار حقتده شهادت لرخی معتبر اولوب انحق یوزاللی غروشه شهادت ایتدکاری ومدعی دخی شو آله جفندن طولانی الی غروشی اخیراً استیفا ایدوب بوراسنی شاهدلرك بیلمدیکنی بیان ایله دعوی مذکورده سیله شهادت واقعه یینی توفیق ایتدیکی صورتده شهادت لرخی قبول اولنور .

یکرمی دردنجی ماده شاهدلرك حضور مجلسده

و یاخود یکرمی برنجی ماده ده کوسترلر دیک اوزره اعضادن تعیین واعزام اولنور حقی نائب مواجهه سنده لفظ شهادتی تصریح ایدرک مثلاً « مدعینك جهت قرضدن مدعی علیه ذمتده حالاً بوزغروش آله جنی اولدیغنی بیلور و بویه شهادت ایدرم » دیواضای شهادت ایتلری لازمدر و « مدعینك جهت مذکورده دن اول قدر غروش آله جنی یوقدر » و یاخود « فلان شی فلانك دکلدر » و « فلان کسینه اول ایشی ایشلمدی » دهرک نفی صرفه وقوع بولان شهادت ایله مجلس محاکمه كك خارجنده اولان شهادت معتبر دکلدر .

یکرمی بشنجی ماده اولاد واحفادك بدر ووالده لرله جد وجده لرخی و بونلرك دخی اولاد واحفادی وزوج وزوجه ایله شرکستدن طولانی شرککیردن برینك دیگرخی ومدعی ویا مدعی علیه انضاقیه تعیش ایدن آدمی ایله ایلقلی خدمتکارینك بونلردن برسی لهنده ووصینك یتیم و وکیل موکل حقتده وکیل بالمال اولان کسینهك اصل مدیون جانبندن دینك ادا قلندیغنی یولنده وقوع بولان شهادت لرخی مقبول اولدیغنی مللو رقاص و مسخره کی ناموس و مروتی محض حال وحرکتی اعتبار ایدن علیهنده شهادت ایلدیکی کسینه ایله عداوت دنیویه سی عرفاً معلوم اولان اشخاصك وعلی الخصوص کذب ایله معروف بولنان کسانك دخی شهادت لرخی مدارحکم اوله من انحق قیو یولداشلرك وینلرنده کی دوستلق یکدیگری مانده تصرف مرتبه سینه واصل اولیان دوستلرك و بالاده بیان اولنان درجه ده قرابتی بولنایان سائر اقربانك بر برینه شهادت لرخی مقبول و معتبردر .

یکرمی التنجی ماده حقوق دعوالرندن طولانی شهادت ایچون مجلسه كك اوزره شاهدله جبر اولنور طرفیندن قغیبی استماع ایتدیره جسك ایسه آنك شاهدلرخی اقامه ایتمی ایجاب ایدر هر نه اسبابه مبتنی اولور ایسه اولسون شاهدلرخی کتور میانلره اثباتدن اظهار عجز ایتش نظریله باقیلور .

یکرمی یدنجی ماده شاهدلرك استماعندن صکره وقوع بولان سؤاله جواباً علیهنده شهادت اولنان طرف بوشاهدلرك شهادت واقعه لرنده صادق ویا عادل اولدقلرخی بیان ایلر ایسه دعوائی اقرار ایتش اولدیغندن اقراریه الزام اولنور واکر شاهدلرك عادل اولدقلرخی و یاخود بر خصوصه مخفی بولندقلرخی یولنده اعتراضات در میان ایلدیکی صورتده سراً و علناً امر تزکیه لرخی اجرا قننور .

التنجی فصل

تزکیه شهود حقتده در

یکرمی سکرنجی ماده شاهدلر بوجه بالا ادای شهادت ایتدکن و مجلسه سیله بونلرك شهادت لرخی ذات

دعوایه و یاخود مدعی علیه دفع دعواسنه موافق کورلدکن صکره حقتلرنده دیگر طرفدن اعتراض وقوعنده مجلهك تزکیه شهوده متدائر اولان فصل مخصوصنه توفیقاً سراً و علناً تزکیه اولنور شویله که اولاً صورت دعوی ایله طرفینك وشاهدلرك اسم و شهرت وصعتلری و بابا و دده لرینك کذلک اسامیسی و دیگر لرندن تفریق ایدله جسك وجهله « مستوره » تعیر اولنان ورقه یی تحریر و بر طرف درونه وضع اولنور حق اوزری مجلسك مهریه بانتخیم شاهدلرك اقامت ایلدکاری قریه اهل بسندن و اهل و قوفدن لاقل انتخاب اولنور حقی ایکی کسینه ارسال اولنور بونلر دخی ورقه یی فتح و قرائت ایدوب ایچنده اسملری محرر اولان شاهدلر عادل ایسه لر زیرینه « عدل و مقبول الشهاده » دیو تحریر و عادل دکل ایسه لر بوجهله اشارت ایدرک امضا ایلدکن صکره آخر شخصی مندرجانه واقف ایتکسزین مجلسه اعاده ایدر .

یکرمی طقوزنجی ماده شاهدلرك « حال لرخی بیلیمز » و یاخود « مجهول الاحوال » ویا « ایدیلور » کی یازیلان عبارات و یا هیچ برشی یازلمکسزین مستوره لر اعاده قلندیغنی حالد شهودلرن دخی شاهدلرك مقبول الشهاده اولدقلرخی بیان محمول اولسی اعتباریه دیگر شاهدلری و ارایسه آنلری کتور مسمی طرفیه بیان اولنور .

اوتوزنجی ماده شاهدلرك یکرمی سکرنجی ماده ده کوسترلر دیک اوزره سراً وقوع بولان تزکیه لرنده عادل و مقبول الشهاده اولدقلرخی تبیین ایلدیکی صورتده کذلک مقیم اولدقلرخی قریه كك مختار و اختیار مجلسی هیئت ایله اهالی سائر سندن مجلسه جلب اولنور حقی کسینه لردن طرفین حاضر اولدیغنی حالد شاهدلرك حال و شانی علناً سؤال ایله تزکیه قننور .

اوتوز برنجی ماده سراً اجرا قننان تزکیه ده مقبول الشهاده اولدقلرخی اکلایشیلان شهودك تزکیه علیه اثناسنده عادل اولدقلرخی بیان اولدیغنی و دیگر شاهدلر دخی بولندیغنی تقدیرده آنلر استماع و تزکیه ایدیلور و بشقه شاهد یوق ایسه دعوائی واقعه یین ایله فصل و حکم اولنور .

اوتوز ایکنجی ماده کرک قبل التزکیه و کرک بعد التزکیه شاهدلرك ذات دعوا ده منفعت مالییه سی و یاخود کندولرینه مرتب ضررک دفعی کی بر مقصد خفیبی اولدیغنی دیگر طرف ادعا ایدر ایسه او مثلاً ادعای استماع اولنور .

اوتوز اوچنجی ماده تزکیه ایدیلیر جانبندن شاهدلرك بعضیسی جرح و بعضیسی تعدیل اولنور ایسه

جرح طرفی مرجح اولمسیله بوقیل شاهدلرك شهادت لرخی مدارحکم اولنور .

اوتوز دردنجی ماده ادای شهادتدن صکره فوت ویا غائب اولان شاهدلرك عند التزکیه عدالت لرخی ثابت اولدیغنی تقدیرده شهادت لرخی قبول اولنور .

اوتوز بشنجی ماده شاهدلر شهادت ایتدکن صکره دعوایه قرار و برلکسزین حضور مجلسده شهادت لرندن رجوع ایدرلر ایسه شهادت لرخی کأن لم یکن حکمنده اولور بعد الحکم وقوع بولان رجوع ایله حکم لاحقه خلل کلیوب محکوم به شاهدله تضمین ایتدیریلور .

اوتوز التنجی ماده شاهدلرك بعضیسی بوجه بالا شهادت لرندن رجوع ایتدکن صکره باقیسی نصاب شهادته بالغ ایسه رجوع ایدلردن ضمان لازم کیز .

اوتوز یدنجی ماده طرفیندن بری هیچ شاهد یوقدر دیدکن صکره شاهد کتوره جسك اولسه و یاخود فلان و فلان دن بشقه شاهد یوقدر دیدکن صکره آخر شاهد یو ادریسه قبول اولنور .

یدنجی فصل

تحلیف بیاننده در

اوتوز سکرنجی ماده مجلهك تحلیفه دائر اولان فصل مخصوصنده بیان و تعریف اولندیغنی وجهله دعواسنی اثباتدن اظهار عجز ایدن طرفك طلیسه خصمه یین ویریلور .

اوتوز طقوزنجی ماده طرفیندن بری تحلیف اولنور حقی اولدیغنی حالد دعوی کندوسنه تصویر اولنور « بوجهله یین ایدر مسك » دیوسؤال اولنوب او دخی « اوت ایدرم » دیدکن صکره مدعی علیهك انکار ایتدیکی نه ایسه مثلاً مدعی جهت قرضدن شوقدر غروش آله جق دعوا ایدویده مدعی علیه بورجی اولدیغنی بالیسان حاصل دعوائی انکار ایتدیکی صورتده « واه بنم اوکا او قدر غروش بورج یوقدر » شکلنده و « بن آندن او قدر غروش استقراض ایتدم » دیوجهتی انکار ایتدیکی صورتده که رده « واه بن بو آدمدن او قدر غروش استقراض ایتدم » طرزنده اولور اده تعالی حضرتلرینك اسمنه قسم ایتدیریلور .

قرقنجی ماده یین انحق حضور مجلسده و یاخود اعضادن کوندریله جسك نائب مواجهه سنده اجرا قننوب بشقه کسینه حضورنده اولان یین ایله نکوله اعتبار یوقدر .

قرق برنجی ماده وکیل خصمه یین ویردیره بیلور اما کندوسنی توکیل ایتش اولان طرفه یین توجه ایتدکنه بالذات کلوب یین ایتمی لازم کلور .

قرق ایکنجی ماده یین انحق خصمك طای

اوزرینه ویریلور فقط ترکدن برحق دعوی واثبات اولدقده بوحقی استیفا ایتدیکنه و ایتدیرمدیکنه وانی ابرا و بشقه سنك اوزرینه حواله ایلدیکنه و بشقه کسینه طرفندن ایضا اولدیغنه و بوحقك مقابلنده متوفانك رهنی اولدیغنه دائر خصم طرفندن طلب وقوع و ملق سزین مدعینك تحلیف اجرا اولتیق و برماله مستحق چقوبده دعواسنی اثبات ایتدکنه اول مالی کسینه یا صاماش و هه ایتاماش و الحاصل بوجهله ملکندن چقارماش ایدوکنه دائر مدعی به وصایتان برشی عیب قدیمه بناء ردی حالد اول شینك عینه مطلع اولدقندن صکره قولاً و یاخود تمك لوازمندن اولان بوجهله تصرف ایدرک دلالة عینه راضی اولماش ایدوکنه دائر مشتریسنه و شفعه دعوالرنده حق شفعه سنی بوجهله اسقاط ایتاماش اولدیغنی یولنده بودعوائی اقامه ایدن کسینه کذلک بلا طلب یین ویرلک لازم کلور .

قرق اوچنجی ماده برکسته کندو فعله یین ایدم جسك اولدقده بوشی بویه در یاخود دکلدر دیو قطعاً یین ایتدیریلور اما دیگر کسینهك فعلی حقتده یین ایدم جسك اولدیغنی حالد اول شینی بیلمدیکنه دائر کندوسنه یین ویریلور .

قرق دردنجی ماده مختلف دعوائر اجتماع ایتدکنه هر برینه بشقه بشقه یین ویرلک ایجاب ایتیوب بر یین کفایت ایدر .

قرق بشنجی ماده یین توجه ایدن کسینهك یین تکلیف اولنوبده « یین ایتام » دیو صراحة یاخود بلاعذر سکوت ایله دلالة ییندن نکولی حالد انك بونکولیله حکم اولنور و بعد الحکم یین ایدم جسك اولسه اکا التفات اولنور .

(مابعدی وار)

مخالفات ایتدیه

کدوس قضای نای و بدایت محکمه سی رئیس هیجت افندیك بر ماده ده وظیفه مأموریتی سوء استعمال ایلدیکی خداوندکار ولایتی استیفا محکمه سی مدعی عمومیلکندن وارد اولان اوراق تحقیقه مندرجانتدن مستبان اولسنه منی محکمه مذکورده برنجی کاتبی عباد افندی ایله سائر ایجاب ایدلر حقتده توحیداً تعقیبات قانونیه اجرا اولتیق اوزره رئیس مومی الهك محاکمه آلتیه آنسنه عدلیه نظارت جلیله سنجه مأذونیت ویریلورک مذکور مدعی عمومیلکک تبلیغات لازمه ایفا و رئیس مومی الهك کیفیت محاکمه سندن طرف عالی مشیختنای یه ده معلومات اعطا ایدلشدر .

اعلانات

در سعادت استیفا مدعی عمر بیلکندمه :

ابراهیم افندی یی قتل قصدیه جرح ایلدیکی ادعاسیله مظون علیه اولوب غیر موقوف بولنان اسکدارده زنجیری خانده ات سرکبسنده یازنجی یکرمی بش یاشنده اوزونجه بویلی آز ترسیقلی الاکوزلی جلال الدینك اصول محاکمات جزائیة قانوننك مواد مخصوصه سی احکامنه توفیقاً جنایت محکمه سنده محاکمه سی اجرا قننق اوزره قانون جزانك یوز سکسانجی ماده سی موجبجه جنایتله اتهامه قرار ویرلدیکسندن متهم مرقومك هر زرده کوریلورسه طو تسلوب محکمه مذکورده توفیقاً خانه سینه تسلیمی لازم کله جسکی بالجله ضابطه عدلیه مأمورلرینك معلومی اولتیق اوزره اشواخذ و گرفت مذکره سی در سعادت هیئت اتهامه سندن بالتظلم اعطا قلدی .

نجات بحریه محکمه سنده :

محمود پاشاده جوراچی خانی اتصالتده ۵۱ نومرولی مغازه ده ساکن ایکن تجارت بحریه محکمه سندن افلاسنه حکم اولنش اولان دونیک آرایبان ذمتده آله جقنی اثبات و یا موقتاً قبول وقید ایتدیرمش اولان اله جق لورک قانوننامه تجارتك ۲۱۱ نجی و آنی ولی ایدن ماده سی موجبجه مفلس طرفندن تکلیف اولنور حقی قوتقور داتونك مذاکره سی ایچون ۲ اغستوس سنه ۳۲۳ تاریخنه مصادف پنجشنبه کونی محکمه مذکوردهك مصالح افلاسیه رؤیته مخصوص اوطنه سنه کلری اعلان اولنور .

در سعادتده بالی بازارنده نومروسز مغازه ده ساکن ایکن تجارت بحریه محکمه سندن افلاسنه حکم اولنش اولان چکینا و بیلیدی شرکتی ذمتده آله جقنی اثبات و یا موقتاً قبول وقید ایتدیرمش اولان اله جق لورک قانوننامه تجارتك ۲۱۱ نجی و آنی ولی ایدن ماده سی موجبجه مفلس طرفندن تکلیف اولنور حقی قوتقور داتونك مذاکره سی ایچون اشبو ۳۲۳ سنه سی اغستو سنك ایکنجی پنجشنبه کونی محکمه مذکوردهك مصالح افلاسیه رؤیته مخصوص اوطنه سنه کلری اعلان اولنور .

محکمه تجارت اجرا داره سنده :

بقله جی اوغل قسقا کینک دودو اوغل یواناکی افندی ذمتده محکمه تجارت اعلامیه غیراز استیفا

متباقى مطلوبى بولنان اچهنك تسويه سيچون استانبولده
يكي جامع شريف جوارنده شيخ محمد كيلانى محله
سبنده بالى بازارى جاده سنده فوقنده اوچ باب اوطه
ومشمولات سائره يى حاوى شهرى يدى ليرا ايجار
كتورر يوز بش نومرو ايله مرقم مغازده مستقر
بقال كدكنك يوز يكرمى سهم اعتباريله اون بش
سهمك تكرار يكرمى سكرم سهم ترنييله مديون
مومى اليهك متوفى پدرندن منتقلاً متصرف اولمى
لازم كلان يدى سهم حصه سى اشبو اغستوس رومينك
برندن اعتباراً اون بش كون صكره موقع مزايديه
قونيله جغندن اشتراسته طالب اولانلرك ودها زياده
معلومات آلق ايسيتلرك محكمه تجارت اجراء ائره سنه
مراجعت ايللرى دائره مذكوره دن اعلان اولنور .

علكسان علكسانيانك يونان دولتى تبعه سندن
چورجى قرانتينو ذمتنده برنجى محكمه تجارت اعلاميله
محكوم به اولان الاجنك تسويه سيچون بلاط جوارنده
حامى محى الدين محله سنده بوستان زقاغنده مقدمه اون
اوچ واليوم اون بش نومرو ايله مرقم سنوى بيك
اوچيوز غروش ايجار ككتورر دروننده ايكي باغچوان
اوطه سنى و برطولى قيواشجار مئمره وغير مئمره يى
حاوى و درانغان چشمه سى جاده سنده مقدمه اوچ
يدى واليوم قرق طقوز نومرولو شهرى يتش بش
غروش كراو درت باب اوطه يى محتوى بوستانك
حرمين وقفندن اولان محلك قرق سكر حصه ده
وديكرك عايشه خاتون و عبدالقادر افندى ومصطفى
عارف افندى وصالح افندى اوقافيله مخلوط محلكلرك
تمامنده مديون مرقومك متصرف اولديغى نصف
حصه اشبو اغستوس رومينك برنجى چهارشنبه
كونندن اعتباراً اون بش كون صكره موقع مزايديه
قونيله جغندن اشتراسته طالب اولانلرك ودها زياده
معلومات المق ايسيتلرك محكمه تجارت اجراء ائره سنه
مراجعت ايللرى دائره مذكوره دن اعلان اولنور .

بك اوغلى بدایت محكمه سى اجراء ائره سنده :

خليل اغانك حفاف محمد توفيق افندى زوجه سى
الماس خانم ذمتنده بك اوغلى برنجى حقوق محكمه سى
اعلاميله آله جنى اولان يوز عدد ليراى عثمانينك مع
فائض ومصارف محاكمه تأمين استيفاسى ضمنتده
مديونه مزبورهنك عهده تصرفنده اولوب دايين مومى
اليه نامنه فراغ بالوفا صورتيله مرهون وفروختى
محكوم بولنان بك اوغلى حسان اغا محله سنك زيبا
زقاغنده كائن يوزى اون بر آرشون اون التى يرمىق
ودرينلكن اوچ آرشون اون ايكي يرمىق كه جمعاً تخميناً

قرق بر آرشون اوزرينه مبنى تحتانى و فوقانى اوچ
اوطه و برابدرستخانه و كيلار وصفه و دراچه و برمطبخى
مشمول توسيع انتقالو عتيق اوچ و جديدسكز
نومرو ايله مرقم براب كاركيه خانه تاريخ اعلان
اعتباراً اون بش كون صكره بالمزايده فروخت اولنه
جغندن طالب اولوب دها زياده معلومات المق ايسيتلرك
بك اوغلى بدایت محكمه سى اجراء ائره سنه مراجعت
ايللرى دائره مذكوره دن اعلان اولنور .

يونان دولتى تبعه سندن زخاريه ولد يوانك انكلتره
دولت فخيمنه سنك درسعادت زه نزال قونسلاتوسنك
لازم الاجرا اولان برقطعه اعلامى موجبنه دولت
مشار اليها تبعه سندن قسطنطين آقواري و مخدومى
ژورژ آقواري ذمتلرنده آله جنى اولان مبالغ معلومه كنك
تأمين استيفاسى ضمنتده مديونلردن قسطنطين آقواري
عهده تصرفنده اولوب حيز آلتنه آلتان بك اوغلى
يكيشهرده طاشجىلر ايجروسننده كائن برى درت
وديكري بش اوطه و حولى و مشترك برمايى و آلتنه
ايكي دكانى مشتمل اون و مكرر اون نومرولى ايكي
باب خانه ايله اتصاليده كائن اوچ اوطه و قيواشجار
وايكي باب دكانى مشتمل اون ايكي نومرولى ايكي باب
كاركيه خانه و محل مذكوره سلكخانه زقاغنده كائن
بهرى اوچ اوطه يى مشتمل يدى و طقوز واون بر
نومرولى اوچ باب اخشاب خانه لى المزايده بونلردن
اون و مكرر اون نومرولى دكا كينى شامل ايكي باب
خانه اونيك و دكا كينى مشتمل اون ايكي و قيدا بر
نومرو ايله مرقم ايكي باب خانه كذلك اونيك و اوچ
باب خانه دخى اون بشيك غروش آلتون اچقه بدلار
ايله طالبى عهده سنده تقرر ايدرك موقت قراردادده سى
چكلمش اولديغندن اشبو تاريخ اعلان اعتباراً
اوچوز بر كونه قدر املاك مذكوره لى لاقول يوزده بش
ضم ايله طالب اولانلرك بدل مزايده كنك يوزده اونى
نسبتنده كى پى اچقه ليرنى مستصحباً بك اوغلى بدایت
محكمه سى اجراء ائره سنه مراجعت ايتلرى و محلى
صوك مزايده عليه اجرا و قراردادده قطعى كشيده
اولمق اوزره مدت مذكوره كنك ختامه مصادف شهر
اغستوسنك اوچوز برنجى جمعه كونى ساعت يدى
بچقندن طقوزده قدر املاك مذكوره پيشكاهنه عزيمت
ايدجك اولان مأمور مخصوص مواجهه سنده حاضر
بولملرى اعلان اولنور .

مصطفى اغانك محمد امين اوسته ذمتنده بك اوغلى
برنجى حقوق دائره سى اعلاميله محكوم به آله جنى
اولان مبالغ معلومه كنك تأمين استيفاسى ضمنتده
مديون مرقومك عهده تصرفنده اولوب حيز آلتنه

آلتش اولان قاسم پاشاده حاجى خسرو محله و جاده سنده
كائن ۴۲ نومرو ايله مرقم و ارديان باشى ابراهيم اغا
وقفندن براب خانه واليوم عرضاً اوچوزالتى و طولاً
قرق التى آرشون اون پارمق كه تخميناً بيك بشيوز
يكرمى اوچ آرشون مقدارندن عبارت و دروننده
بر اوطه لى ايكي براقه ايله قيوينى مشتمل اولان
عرصه كنك نصف حصه سنك تاريخ اعلان اعتباراً
اون بش كون صكره بالمزايده فروخته تشبث
اولنه جغندن طالب اولوب اطرافليجه معلومات آلق
ايسيتلرك بك اوغلى بدایت محكمه سى اجراء ائره سنه
مراجعت ايللرى اعلان اولنور .

اسكدار بدایت محكمه سى اجراء ائره سنده

شمسى بكك عطوفتلى حسنى افندى حضرتلرى
ذمتنده با اعلام محكوم به آله جنى اولان معلوم المقدار
اچهنك تأمين استيفاسى ضمنتده مديون مشاراليهك
غلطه ده كوركجىلرده كوچك بيكي خان دروننده اورته
قائده متصرف اولديغى ايكي نومرو ايله مرقم شهرى
برليراي عثمانى ايجار ككتورمكده اولان براب اوطه كنك
تمامى لى المزايده التى بيك بشيوز غروش آلتون
اچقه بدل ايله طالبى عهده سنده تقرر ايتش اولمغه
تاريخ اعلان اعتباراً اوچوز بر كون ظرفنده يوزده
بش ضم ايله طالب اولانلرك يوزده اون نسبتنده كى
ديوزيتواچقه ليرنى مستصحباً اسكدار بدایت محكمه سى
اجراء ائره سنه مراجعت ايتلرى و اوچوز برنجى كونى
يعنى شهر اغستوس رومينك اوچوز برنجى جمعه كونى
قرارداده قطعى كشيده قلمق اوزره ساعت درت
قرارلرنده سالف الذكر املاك پيشكاهنده مأمورى
مواجهه سنده حاضر بولملرى اعلان اولنور .

حاجى احمد افنديك احمد زين العابدين بك ذمتنده
با اعلام محكوم به آله جنى اولان مبالغ معلومه كنك
تأمين استيفاسى ضمنتده مديون مومى اليهك پدرى
حاجى رضا افنديك منتقلاً متصرف اولديغى چارشوى
كبيده جواهر بدستاننده ايكنجى اظهده اوچوز ايكي
واوچ اوچ نومرولر ايله مرقم معلوم الحدود شهرى
التش غروش ايجار ككتورمكده اولان ايكي باب
طولا بده التى حصه اعتباريله درت حصه سى تاريخ
اعلان اعتباراً اون بش كون صكره بالمزايده
فروخت اولنه جغندن اشتراسته طالب اولانلرك
واطرافليجه معلومات آلق ايسيتلرك اسكدار بدایت
محكمه سى اجراء ائره سنه مراجعت اعلان اولنور .